

# 風俗通義十卷

(漢)應劭撰 元大德九年(一三〇五)無錫州學刻本。框

高二十三釐米，寬十六釐米。每半葉九行，行十七字，細黑口，四周雙邊。

應劭，生卒年不詳。字仲遠，汝南(今屬河南)人。漢靈帝時舉孝廉，拜太山太守。建安初，拜袁紹軍謀校尉，卒於鄴。獻帝遷都於許，舊章湮沒，書記罕存，劭綴集所聞，著《漢官儀》。又集解《漢書》。事迹具《後漢書》本傳。

是書辨物類名號，釋時俗嫌疑。文雖不典，後世服其洽聞。《隋書·經籍志》著錄三十一卷，自宋以來無完帙，惟十卷本僅存，為《皇霸》、《正失》、《愆禮》、《過譽》、《十反》、《聲音》、《窮通》、《祀典》、《怪神》、《山澤》。蘇頌《蘇魏公文集》卷六十六《校風俗通義題序》稱所見馬總《意林》尚存篇名，除上述十篇外，尚有《心政》、《古制》、《陰教》、《辨惑》、《折當》、《恕度》、《嘉號》、《徽稱》、《情遇》、《姓氏》、《諱篇》、《釋忌》、《輯事》、《服妖》、《喪祭》、《宮室》、《市井》、《數紀》、《新秦》、《獄法》二十篇及篇名亡佚者一篇。

此本應氏序首葉版心下鐫「翁子和刊」，與瞿氏《鐵琴銅劍樓宋金元本書影》著

錄之元大德刻本（徐乃昌曾據以影刻，收入《隨齋叢書》）同版。瞿氏藏本有李果序、大德九年乙巳陽月謝居仁序，宋嘉定十三年（一二二〇）丁黼跋，此本脫去。謝序云：「《白虎通》與《風俗通》二書並行於二千年前，不復見久矣。余觀風西浙，至無錫，有耆儒李顯翁晦來訪，云魯齋許文正公之門人劉平父世常來守吾邦，嘗刊《白虎通》於學，參政恪齋嚴公題於卷首。方慮未得《風俗通》以完二書，某之子元昭錄吳泮，得之於館下生以歸，郡博士遂抄之，將併刻於學。」知此本與《白虎通德論》同為大德九年無錫州學刊刻。

此本每多古字通用，如「由」「猶」、「青」「菁」、「飾」「飭」等，猶存古書真面，得以證後世傳本之失，彌足寶貴（詳清黃廷鑑《元大德本風俗通義跋》）。潘祖蔭《滂喜齋藏書記》卷二著錄之「元大德丁未劉平父刻本」，今藏上海圖書館，實為明嘉靖間據此本重刻者，文字已經改易。如卷三葉一行三「不肖跋及」，「跋」，嘉靖本作「跂」；葉五行後九，「孔子食於施氏，未當不飽」，「當」，嘉靖本作「嘗」。葉七行八，「人間之事無所闕也」，「闕」，嘉靖本作「關」；卷五葉十一行三，「于是起家肱為犍為太守」，

「家」，嘉靖本作「姜」；卷九葉十二行七，「其後郡待奉掾宜祿邦奇來」，「待」，嘉靖本作「侍」。萬曆胡維新刻《兩京遺編》本、胡文煥刻《格致叢書》本尚沿襲嘉靖本，若萬曆程榮刻《漢魏叢書》本、天啟間郎璧金堂策檻刻本，則訛謬滋甚。如卷一葉六後九，「自投汨羅水」，「水」，程本作「王」；葉十二行後一，「松耶柏耶，亡建共者客耶」，「建」，程本作「楚」；卷二葉十八行後八，「不孝莫大於無後，故收舉之」，「收」，程本作「取」；卷三葉八行一，「由訛子路」，「由訛」，程本、郎本作「猶止」；卷五葉十二行一，「相久忝重任」，「相」，程本、郎本作「統」；行三，「州家幸能為相得去」，「州」，程本、郎本作「皇」；「相」，程本、郎本作「統」；卷六葉十二行後五，「荻，簞也」，「簞」，程本、郎本作「簞」；卷九葉八行七，「帷帳絳天」，「天」，程本、郎本作「繒」。他如吳琯刻《古今逸史》本、汪士漢刻《秘書廿一種》本，僅收《皇霸》、《聲音》、《祀典》、《山澤》四篇，皆非足本。

是帙有「大德新刊校正風俗通義序」，為書賈割補作「風俗通義序」，偽鈐「虞山錢曾遵王藏書」印，用泯其跡。又題「宋板」於封面，冀以欺售。有明代補版，原目錄未

予說明。卷五葉七至八下半、卷九葉三至六、卷十末葉缺損，已經前人抄補。卷三葉一行四，「子路喪姊」，「姊」字殘損，經人依明本補寫為「姊」。

鈐有「顧宸之印」、「脩遠」、「結一廬」、「朱學勤印」、「仁齋朱澂」、「徐乃昌讀」諸印。舊為顧宸收藏，後歸朱氏結一廬，繼歸朱學勤女夫張佩綸，上世紀八十年代初由張佩綸後人張子美先生捐贈上海圖書館。（郭立暄）